



Bájkkeavijssa NuorttaSálto

- Gatjálvis le liehket nav gáktu ulmusj le

■ - Vuorddám lidjiv værámusáv. Valla ænndu la buoragit mannam, buorebut gá vuorddiv, javllá Svenn-Egil Knutsen Duolljá. Jagen 2001 lej sán vuostasj sábmme julevsáme guovlon guhti ávddánbádjij homofijllan, jagen 2009 lej sán vuostasj sábmme guhti vállduj náginijn sæmme sjierves.

Dá vahko rabáduváj sirddevuosádus «Bájkálasj mujtulvisá» Árranin. Dánna subtsastuvvi avtse iesjgeŋga ulmutjij subtsasa, álles riŋkas, ma li merkajt vaddám, gænna li sierra subtsasa subtsastit, gudi li iejvvim bájkkejuhtusav ja gudi li rahtjam liehket nav gáktu li. Ulmutja gev vuosádusán iejvvi li Rose Marie Køhn, Kadra Ahmed Noor, Ashlam Ahsan – ja Svenn-Egil Knutsen Duolljá.

- Sjaddá állo berustallam avta bále, májut Svenn-Egil – ja usjudallá ávdep vahko prográmmav «Sinnasnekker´n», gánná aktan gállasjálmmájn Bruce ja «unna goadáj miehtsen» Ájluovtan állo berustimev oattjoj.

Svenn-Egil állessjattugin ávddánbádjij homofijllan tjavtjan 2001. Guhka prosessa maŋŋela. Ja sæhkáalak dábdot. Ij lim álkke. Ij ávvánis.

- Munji lij giehpeditbme, dábdudj dagu lássá noade álgisj váldeduváj. Iv lim juojddáv boassot dahkam. Lidjiv sæmme ulmusj majt lidjiv agev læhkám. Ja ulmutja oadtjun muv duosstot nav gákt lidjiv. Valla diedon aj usjudalliv fámiljav, æjgádjij ja oarbbenijt, rádnajt. Lej hálvva gássjelis sidjij aj álgon. Balliv værámusás, álgoduvvat.

Svenn-Egil bajássjattaj Måsen ja Ájluovtan, tjadnasijn læstadianissmaj. Divtasvuonan le læstadianissma nannusit tjanádum sámevuohatj, ja árbbedábálasj ristagis árvo li ájnas oasse iellemis. Homofilija ij la sierraláhkáj árvvon anedum dán birrusin. Tjanádum li moadda gátto. Juska homofilija muhtem mærráj dáhkkiduvvá læstadianalásj birrusijn, de ij la huoman «dáhkkidum» viessot navti.

Gá ádáas lagosbirrusin gulluj, de Svenn-

Tæksta: Børge Strandskog
Járggálibme: Divte Media AS



Egil vállji manádit muhtem ájgev.

- Guhka ja buorre loahpe Portugalan, nav guhkás ierit gá máhttelis. Madi ulmutja bessin sáhkadit gaskanisá, subtsas sán.

Ja vierttij gárvedit ávddál sijddaj manáj.

Ja reaksjávna báhtin, buoragit ja nievret. - Vehi smadje sjattaj, valla ienemusát positijva diededime. Nuorajn li læhkám ja



ájñ ienep «ja de majt»-vuojnno dási, madi moadda vuorasijda le læhkám gássjelis dáhkkidit, javllá Svenn-Egil.

Bájkkejudos lej huoman oassálasste sivva manen Svenn-Egil Divtasvuonas jádjij sæmme jage. Ájluovtajn buohtastahtedum le Råmsá stuorstáda. Danna máhtij Svenn-Egil viessot homofijllan ja ulmutja vuojnnet ettjin berusta. Ja danna aj iejvvij Bruceav, amerikanarav guhti maŋŋela sjattaj suv gállasjálmmán ádájakmánon 2009. Hávskes seremonija Diggevison Råmsán sjattaj vuostasj sáme «homohedja» Vuonarijkan, dássju nágin vahko maŋŋel gá ádá gállasjvuodaláhka doajmmagádjij.

Munnuj hedja lij juokkirik láhkáj dássju hedja. Dábdudj luondulattjan munnuj. Sæmme bále le válldut symbávlálasj dáhpádu. Munnuj lej duodastit ietjama gieresvuodav nubbe nubbáj. Ja ihkap lin oassálasstám værjoduhttet juojddáv mij le læhkám iebdes ja gássjelis. Ájnegis ulmutja máhtti sierradusáv dahkat ja vájkkudit ja væráldav buoredit. Maŋŋela diehtep aj ietjá sáme Divtasvuonas li «skáhpas» álgus boahatám, subtsas Svenn-Egil.

Ja jur dákkir vuorjás subtsasa, dagu Svenn-Egila, galggá sirddevuosádus Árranin vuosádallat, jienajn ja gáváj. Subtsasa moattebelak Vuonarijkas. Ulmutjij birra gudi li ávdán vádtsám. Svenn-Egil Knutsen Duolljá válljij tabuav boarckit homofilija birra sáme sebrudagán ja vattij homofijllajda muodov. Dáv dagáj dan diehti gá sihtá liehket dav gev la.

- Gatjálvis le liehket nav gáktu ulmusj le, áskeldit ietjas dábdotj, ja bessat viessot ietjas iellemav, tjuottjot sán.

Moatte jagij maŋŋela Råmsán le Svenn-Egil ruoptus Divtasvuodnaj jáhtám aktan ietjas Bruce Morén-Duolljájn. «Unna goadátjij miehtsen». Iesj barggá nuorttarijkalásj giellaprosjevtajn, GiellaGálldo, kántávrrásajijn Sámedikken kulturguovdátjin Árranin. Bruce le dutke Råmsá Universitehtan ja ruvva vuostasjamanuensis Nordlándá Universitehtan. Dábddába buoragit vuostájváldedum lagosbirrusin, soapptsoba ja buoragit adneba.

- Soajttá gehtjaduvvin «imálatjan», ij állu A4, valla dábdin dáhkkiduvvam ja buorisboahtem. Bájkkejuhtusav en ielvé...